





大畜 築室合歡千里无患周公萬年佑我三人壽以高遠

頤 養鷄生雛畜馬得駒明堂太學君子所居

大過 雷行相逐无有休息戰于平陸為夷所覆

坎 委蛇循河至北海涯涉歷要荒在世无他

離 鴻聲大視高舉神化背昧皆明以通福功

咸 比目四翼安我邦國上下无患為吾家福

恒 士穀蕪季反謀桓子不從元師遂行挑戰為荆所敗

遯 三頭六足欲盜東國顏子在庭禍滅不成

大壯 緣山升木中墮於谷子與失勞黃鳥哀作

晉 南有嘉魚駕黃取鱮魴鯉瀟上利来无憂

明夷 遠炁作雲蒙覆大臣塞聰閉明殷人賈傷





家人 舉翅摠翼跣望南國延頸卻縮未有所得  
睽 坎中蝦蟆乍盈乍虛三夕二朝形消元餘  
蹇 僅或射御不知所定質疑著熟上可避之國安土樂  
宜利止居兵寇不作民无騷憂

解 陰淫寒疾水流其室舟楫大作傷害黍稷民飢於食不死病厄  
損 離友絕朋巧言詭匿覆白汚玉顏叔哀哭

益 童女无媒不宜動搖安其室廬傳母何憂傳又作傍

夬 作凶造患北榭困貧東與福連傷我左根謝又作擻

姤 東南其戶風雨不處瞻睨仁人父子相保

萃 被髮歎心難與比隣來如飄風去似絕絃為狼所殘

升 天覆地載日月運照陰陽允作方內四富

井 桀亂无道民散不聚背室棄家君孤出走

革 申酉敗時陰匿萌作荷葭載牧泥塗不白

鼎 蹀踵足傷左指病瘍失旅後時利走不來

震 四足俱走駑疲在後俱戰不勝敗於東野

艮 塗行破車醜女无媒莫適為耦孤困獨居

漸 搏髀大笑不知憂懼開立大路為王所召

歸妹 伯主東行與利相逢出旣遭時孰不相知

豐 東行賊家鄭伯失辭國无貞良君受其殃

旅 前屈後曲形體勁急絞黑大索困於清室

巽 鼓翼大喜行嫁飲酒嘉彼請姜樂我皇考

允 孤嘈向城三旦悲鳴邑主大驚



渙 明德光敏重華貢舉被勲徵用公哲蒙佑

節 秋隼冬翔數被嚴霜甲兵克庭萬物不生鷄犬夜鳴民大擾驚

中孚 絲紵布帛人所衣服摻搔女手紡績繕織南國饒足取之有息

小過 鳳有十子同巢其母懼以相保富市之地多財積穀

既濟 雄雞不晨雌鷄具呻志疵心離三旅生哀畜又作輕

未濟 光休出城陳寶鷄鳴陽明失道不能自守消已為咎

○ 井之第四十八

井 躓跛未起失利後市不得磨子

乾 左輔右弼金玉滿堂常盈不亡富如廩倉

坤 雨師娶婦黃岩季女成禮既婚相呼南上膏澤下上年歲大喜

屯 螟虫為賊害我嘉穀中留空虚家无所食

蒙 跛躓難步道不及舍露宿澤陂亡其襦袴

需 大夫祈父元地不涉為吾相土莫如韓樂可以居止長安富有

訟 少孤无父長失慈母恃上桀上莫與為耦

師 側弁醉客長舌作凶披髮夜行迷亂相誤亡失居處

比 馬驚車破王墜深津身絕魂去離其室廬貞難无虞

小畜 東行迷職征討不服侵齊伐陳銜壁為臣犬得意還

履 百足俱行相輔為強三聖翼事王室寵光

泰 根本不固華葉落去更為孤嫗

否 牧羊緇園聞虎喧謹畏懼怵惕終无禍焉

同人 履位乘勢靡有絕弊為隸所圖與衆庶伍

大有 大輿多塵小人傷賢皇甫司徒使君失家



謙 安如泰山福祿屢臻雖有狼虎不能危身

豫 同氣異門各別西東南與凶遇北傷其孫

隨 蜺見不祥禍起我鄉行人畏懼邑客避歲

蠱 養虎畜狼還自賊傷无事招禍自取災殃

臨 順風吹火幸附驥尾易為功力因權受福

觀 五岳四瀆沾濡為德行不失理民賴恩福

噬嗑 延陵聰敏聽樂太史鷄鳴大國姜氏受福

賁 神鳥五氣鳳凰為主集於王國使君得所

剝 媒妁无明雖期不行齊女長子乱我紀綱

復 明月作晝大人失居衆星宵乱不知所據

无妄 少康興起誅澆復祖微滅復明宮祀大禹

大畜 千門萬戶大福所處黃屋左纛龍德獨右

頤 乾作聖男坤為智女配合成統長住樂所

大過 羿張鳥號射驚狼鍾鼓夜鳴將軍壯心趙國雄勇關死滎陽

坎 矢魚銅斗張伺夜鼠不忍香味機發為崇上在頭頸一作不得去

離 高飛不視貪叨所在臭腐為患自害其身一作竊位貪

榮內渴外清時上暫過日七福生

咸 鉛刀攻玉堅不可得盡我筋力脰胼為疾

恒 方琢宣口聖智仁厚解釋倒懸歷國安泰

遯 踟躕南北誤入喪國社季利兵傷我心腹

大壯 公孫之政惠而不煩喬子相國終身无患

晉 孤矢大張道絕不通小人寇賊君子塞壅



明夷 歲載之室封豕受福充澤肥膖子孫蕃息  
家人 八子同巢心勞相思雉苦无憂

睽 循理舉手典求相予六休相磨終无殃咎  
蹇 公子王孫把彈攝丸發輒有獲室家饒足  
解 井者有悔渴蜺為恠不亟徒鄉家受其殃  
損 鄭澮有聲國亂失傾弘明早見止樂不能  
益 穿室鑿墻不直生訟褰衣涉河雖勢无功  
夬 胎卵胞乳長大成就君子萬年動有利得  
姤 五心乖離各引是非草適為主道路塞壅  
萃 百柱載梁千歲不僵大頤輔福文武以昌  
升 營城洛邑周公所作世連三十年歷七有福佑豐實堅固不落

困 從叔旅行食於東昌嘉伯悅喜與我芝香  
革 失耳聾蔽不曉聲味委以鼻俎方始乱憤  
鼎 訾媿開門鶴鳴彈冠文章進用舞韶和鸞三仁翼政國无災殃  
震 遊魂六子有木所起三男從父三女隨母至已而足各得其所  
艮 兩山崩使萃君嬪好皇女長婦多孫衆子  
漸 黃虹之野賢君所在榮段為相國无災殃  
歸妹 穿鑿道路為君除舍開闢福門喜在我隣  
豐 商風數起天下昏晦旱魃為虐七凡兵作  
旅 自衛反魯時不我與水炭異室仁道閉塞  
巽 春陽生草夏長條枝萬物蕃滋充實益有  
兌 六蛇奔走奔入茂草驚於長住畏懼喙口



渙 明月照夜使暗為晝國有仁賢君尊於故  
節 避地東走及入虎口制於爪牙骨於灰土  
中孚 傾迭不行弱走善僵孟繫无良失其寵光  
小過 十年俱見黃頭為首歲尾民安國樂无咎  
既濟 望風入門來到我隣鋪吾養均  
未濟 登高連返視失彌遠虎口不張害賊消亡

○ 革之第四十九

革 馬眠長股宜行善市皆蒙福佑獲金三倍  
乾 高原峻山陞太少泉草木林麓喜得所蓄  
坤 一門二關結弭不便峻道異路日暮不到  
屯 憂患解除喜至慶來坐立權門與樂為隣

蒙 踈類異路心不相慕牝牛牡猴鯨无室家

需 太王為父王季孝友文武聖明仁政興起旦隆四國載福緩厚

訟 臨河求鯉燕旣笑弭屏氣攝息不得鯉子

師 買利求福莫如南國仁德所在金玉為寶

比 白虎赤憤門觀王庭宮闕被甲大小出征天下煩憤盲不能嬰

小畜 子車鍼虎善人危殆黃鳥悲鳴傷國无輔

履 兩目失明入暮无先脛足跛步不可以行頓於丘傍

泰 羅網四張鳥无所翔伐征困極飢窮不食穷又作寒

否 伯夷叔齊貞廉之師以德防患憂禍不存

同人 疾貧望幸使伯行販開牢擇羊多得大祥

大有 南山之揚其業將上嘉樂君子為國寵光



謙 東壁餘光數暗不明主母嫉妬乱我事業  
豫 迷行晨夜道多湛露濡襦袴重不可步

隨 目矐足動嘉喜有頃舉家蒙寵

蠱 鷹鷄欲食雉兔困急延頸見尾為我所賊

臨 鼻移在項枯葉傷生下枯上榮家擾不寧失其金城

觀 飛不遠去汝為內傷祿養未富終无災咎君善安止

噬嗑 倒基敗宮重舌作凶被髮長夜迷亂相誤深亡吉居

賁 亥午相錯敗亂緒業民不得作

剝 野糜畏人俱入山谷命短不長為虎所得死於牙腹

復 秋冬採巢不得鵲雛御指北去愧我少姬

无妄 雙鳥俱飛欲歸稻池經沙舊澤為矢所射傷我胸臆

大畜 天門開闢宇戶寥廓柱怙解脫拘囚縱釋

頤 尼父孔丘善釣鯉魚羅網一舉得獲萬頭富我家居

大過 彭生為妖暴龍作災盜亮衣裳聚跖荷兵青禽照夜二旦夷亡

坎 華言風語亂相狂誤終无凶事安寧如故

離 延頸見足身困名辱欲隱避仇為害所滅

咸 无足斷垠居處不安凶惡為殘君臣相得一作君臣得安

和合於天步不與上天相蒙堪

恒 三人俱行北求大祥孟長病足借季負粮柳下之貞不失驪黃

遯 退飛見祥傷敗毀墜守小失大功名不遂

大壯 持心懼怒善搖數動不安其處散渙府歲利得无有

晉 牽尾不前逆理失臣怒翔以奔



明夷 祿如周公建國洛東父子俱封  
家人 君有八人信允篤敏為堯所舉

睽 以陰霖雨泥塗行潦商人休止市空死有

蹇 无足斷垠居處不安凶惡為殘夫之大過

解 馬蹄躓車婦惡破家青蠅汚白荼子離居

損 噂上所言莫如我垣觀善堅固可以長安噂上又作鳴上

益 懿公淺愚不受深謀无援失國為狄所滅

夬 騏驎綠耳章明造父風伯所獻襄纘厥緒佐文成伯為晋九輔

姤 駕車十里求鮮魴鯉非其肆居自今後市

萃 求麋嘉鄉惡地不行道止中返復還其牀

升 使鳩負裝醉臥道傍不知何公竊我衣囊

困 登崑崙入天門過糟丘宿玉泉問惠欲見忻君

井 水為天床患厭不起季伯夜行與善相逢

鼎 烏孫氏女深目黑醜嗜欲不同過时无耦

震 子鉏執麟春秋作元陰聖將終尼父悲心

艮 灼火泉源釣魴山巔魚不可得大不肯燃

漸 天馬五道炎火久處徃來上下作文約已衣象絲麻

相隨笑歌凶惡如何

歸妹 鷓鴣破斧冲人危殆賴且忠德輔禍為福危傾復立

豐 牝飛閔啓憂患大解不為身禍

旅 石門晨門荷蕢食貧遁世隱居竟不逢時

巽 兔聚東廓衆犬俱獵圍缺不成无所能獲



兌 三羊群走雉兔驚駭非所畏懼自令勞苦  
渙 羽翮病傷无以為強宋公德薄敗於水泓  
節 姬姜稚叔三人偶食論仁議福以安王室  
中孚 精誠所在神人為輔德教亡患彌世長久三聖仍事多受福祉  
小過 岐周海隅獨樂不憂可以避難全身保財  
既濟 孤獨特處莫為依輔心勞志苦  
未濟 顧望登臺意常欲逝賈辛醜惡妻不安夫

○

鼎之第五十

鼎 積德之君仁政且溫伊呂股肱國富民安  
乾 頃筐卷耳憂不能傷心思古人悲慕失母  
坤 卻叔賈貸行祿多悔利无所得

屯 蹶足狂跛恠碎不行弃捐平人名字无中  
蒙 文王四乳仁愛篤厚子畜十男夭折无有  
需 容民畜衆不離其君  
訟 三雛相逐蠅墜釜中灌沸潦殪與母長決  
師 所望在外鼎令方來拭爵滌壘炊食待之不為季憂  
比 陸居少泉高山无雲車行千里塗污爾輪亦為我患  
小畜 東家殺牛汚鼻腥臊神背西顧命絕衰周毫社災燒宋人夷誅  
履 長子入獄婦饋母哭霜降旬日嚮晦伏法  
泰 溫山松柏常茂不落鳳凰以庇得其歡樂  
否 大屋之下朝多君子德施溥育宋受其福  
同人 羅張目列圍合月缺採捕无功魚鳥得脫



大有 羔裘豹衣高易我字君子維好至老无憂

謙 大頭明目載受福喜三雀飛來與祿相得

豫 消鋒鑄刃縱牛牧馬甲兵解散夫婦相保

隨 吉月車攻田弋獲禽宣王飲酒以告嘉功

蠱 商人行旅資无所有貪其逐利留連王市輾轉内安君子何咎

臨 火入井口陽芒生角犯歷天門窺見太微登上玉牀家易其公

觀 秋隼冬翔數被嚴霜甲兵充庭萬物不生雄父夜鳴民擾大驚

噬嗑 東行西步失其次舍乾喉野井昭君喪居

賁 腫脰病腹陷廁汚辱命短時極孤子哀哭

剝 切膚近災虎絕我鬚小人橫暴君子何災

復 女室作毒為我心疾和弗能治晋人赴吉

无妄 兵征大宛北出玉門與胡寇戰平城道西七月絕糧身終不全

大畜 十子夫九莫適與居貞心不宣至今名孤

頤 車行稻麥遂至家國樂土无災君子何憂

大過 作室山根所以為安一夕崩巔破我糞餐

坎 六人俱行各遺其囊黃鵠失珠无以為明

離 伯蹇叔育莫為守裝失我衣裘我是陰邦

咸 褒寵溢尤敗政傾家覆我宗國秦滅周室

恒 詭言譯語仇禍祖得水入炭室消滅不息

遯 彭生為妖暴龍作灾盜充衣裳聚跖荷兵責禽照夜二日夷亡

大壯 朝暮日月四馬過隙歲短期促時難再得

晋 耳闕道喪所為不成所求匪得



明夷 申公患楚危不自安重耳出奔側喪其竟

家人 南上泰山困於空桑左沙右石牛馬无食

睽 海隅遼右福祿所在柔嘉義礼九夷何咎

蹇 陽春生長萬物茂壯垂秋布業君子比德

解 低头竊視有所畏避行作不利酒酸魚敗衆莫貪嗜

損 左輔右弼金玉滿堂常盈不亡富如廩倉

益 坐朝乘軒據德宰民虞收受命六合和親

夬 東行西走喪其犬馬南求驛駒失車林下

姤 砥德礪林果當成周拜受大命封為齊侯

萃 西逢王母慈我九子相對歡喜王孫萬戶家蒙福祉

井 安坐玉床聽韶行觴飲福萬歲日壽无疆

困 登高望家役事未休王事靡盬不得逍遙

井 擊鼓陷陔不得相踰章甫文德福厭禍消

革 追亡逐北呼還幼叔至止而德復歸其室

震 老猾大偷東行盜珠困於噬教幾不得去

艮 禹召諸神南山會稽執玉萬國天下康安

漸 切上但上如將不和上睦之思靈輒以存獲生保年

歸妹 俟叔興起季子富有照臨楚国蛮荆是安

豐 白馬駮駟更生不休富我商人利得如丘

旅 灼火泉源釣魴山巔魚不可得火不肯燃

巽 避患東西反入禍門糟糠不足憂動我心

兌 我王多寵商人惶恐生其禍心使我危殆終无災咎



渙 虎飢欲食見蝟而伏禹通龍門避咎除禍无醜以安節 安民呼池王桎大按泉如白蜜一挹獲願

中孚 雙鳧鴛鴦相隨群行南至饒澤食魚與梁君子樂長澤又作洋

小過 蔡侯朝楚留連江渚踰時歷月思其君后

既濟 膠車駕東與雨相逢五檠解墮頓抗獨坐憂為身禍

未濟 螟虫為賊害我稼穡盡禾單麥秋无所

○ 震之第五十一

震 枯瓠不朽利以濟舟渡踰江海无有溺憂

乾 陷塗溺水火燒我履憂患重累

坤 旦生夕死名曰嬰鬼不可得祀

屯 揚水潛鑿使石潔白衣素表朱遊戲泉澤得君所願心志娛樂

蒙 衆鳥所鄰呼有大恠九身无頭魂驚魄去不可以居

需 則根枯株不生肌膚病在於心目以焦枯

訟 府藏之富王以振貧捕魚河海旬網多得

師 一莖九躓更用牽牽安明俯仰不得東西讚讞當映日干被刑

比 耄老鮑背齒牙動搖近地遠天下入黃泉

小畜 羊蛇叔虎野心善怒續貨无厭以滅其身

履 訐疑八子更相欺給管叔善政不見邪期

泰 絆逃不遠心與言反尼丘顧家茅葦朱華

否 蜉蝣戴盆不能上山搖推駭跛頓傷其顏

同人 朝露不久為恩惠少膏澗欲盡咎在枯槁

大有 河伯之功九州攸同載祀六百光烈无窮



謙 三人比行大見光明道逢淑女與我驥子

豫 金精耀怒帶劍過午徘徊高庫宿於木下兩虎相距弓弩滿野

隨 江河淮海天之與府衆利所聚可以富有安樂无憂

蠱 不虞之患禍至此門奄忽暴卒病傷我心

臨 畫龍頭角文章未成甘言美語說譯无名

觀 缺破不成胎卵不生不見非刑

噬嗑 旁行不遠三里反復心多畏惡日中止舍

賁 四瀆不安兵革為患探我妻子家復飢寒

剝 喜來如雲舉家蒙歡衆財君子嘉福盈門

復 載金販狗利弃我走藏匿渊底折悔為咎

无妄 日中為市各抱所有交易賫賄函珠為寶心悅歡喜

大畜 日移月步周遍次舍經歷致遠无有難處

頤 陽明失時陰凝為憂主君哀泣喪其元侯

大過 年衰歲暮精魂游去形容稍枯哀子相呼

坎 少无功績老困失福跌行徙倚不知所立

離 持心耀日善數搖動自東徂西不安其處渙散府藏无有利得

咸 賈具贖狸不聽我辭繫於虎鬚牽不得來

恒 老狼白獐長尾大胡苟顛後顛岐人悅喜

遯 背地相憎心志不同如火與金君猛臣懾虎行兔伏

大壯 夏臺姜里湯文厄處鬼侯歡醢岐人悅喜

晉 牙蘖生齒螳螂啓戶幽人利貞鼓翼起舞

明夷 烈女无夫閔思苦憂育子无良使我心愁



家人 踐履危難脫厄去患入福喜門見海大君

睽 折臂接手不能進酒折杞閑曠神怒弗喜

蹇 蟻封戶穴大雨將集鵲數起鳴牝鷄嘆室相薨雄文未到在道

解 胡俗戎狄太陰所積涸洌沍寒君子不存

損 翕亡輪亡稍頽崩顛滅其令名身不得全

益 災虫為賊害我稼穡盡禾殫麥秋无所得

夬 三鳥飛来自我逢時俱行先至多得大利

姤 龍馬上山絕无水泉喉唇焦乾渴不可言

萃 春生子乳萬物蕃熾君子所集禍災不至

升 王孫季子相與為友明允篤誠升擢薦舉

困 六明並照政入有統秦楚戰国民受其咎

井 蝮螭克側佞人所惑女謁橫行正道壅塞

革 登崑崙入天門過糟丘宿玉泉問惠歡見忻君

鼎 體重飛難未能越関不離空垣

艮 玄黃虺隤行者旁罷役夫憔悴踰時得歸

漸 孔德如玉出於幽谷飛上高木鼓其羽翼輝光照國

歸妹 火雖熾在吾後寇雖衆在吾右身安吉不危殆

豐 旃裘羶國文禮不飾跨馬控弦伐我都邑

旅 被髮八十暮德獻服邊鄙不聳以安王國

巽 心得所好口常欲咲公孫蛾眉鷄鳴樂夜

兌 馬西負乘見邑之野并獲梁稻喜悅无咎

渙 高飛視下貪饕餮所在腐臭為患害於躬身



節 東行西步失其次舍乾喉野井昭君裘居  
中孚 神鳥五彩鳳凰為主集於山谷使年歲有  
小過 石門晨閉荷蕢疾貧遁世隱居竟不逢時  
既濟 鬪上齧上貧鬼相責无有權怡一日九結  
未濟 白日揚光雷車避歲雲雨不行為止其鄉

○ 艮之第五十二

艮 君孤獨處單弱无輔名曰困苦輔心湧泉碌上如山  
乾 憂驚已深禍不為災安全以來

坤 穿匏浥水搆鍊熒火勞疲力竭飢渴為禍  
屯 蹇牛折角不能載粟災害不避年歲无穀

蒙 邑將為墟居之憂危

需 根則樹殘花葉落去卒逢火焱隨風僵仆

訟 元后貪欲窮極民力執政乖劣為夷所覆

師 北山有黍使叔壽考東嶺多粟宜行賈市陸梁雄 所 利喜

比 高原峻山陸土少泉草木林麓嘉禾所災

小畜 辰次降婁王駕巡狩廣施德惠固安无憂

履 輻上輻上歲暮偏弊寵名復弃君衰於位

泰 放御委轡奔亂不制法度无常君失其位

否 獨登西垣莫與咲言秋風多哀使我心悲

同人 脛急股掣不可出門暮速群旅必為身患

大有 情偽難知使我偏頗小人在位雖聖何咎

謙 黍稷醇醲敬奉山宗神嗜飲食甘雨嘉祥庶物蕃茂



時无災咎獨蒙福祉

豫 公子王孫把彈攝丸發輒有獲室家饒足

隨 陰升陽伏舜失其室元七赤子相餒不食

蠱 七竅龍身造易八元法天則地順時施恩引和貴長以富永存

臨 逐狐東山水過我前深不可涉失利後便

觀 御命辱使不堪其事中墜落去更為負載

噬嗑 溫仁君子忠孝所在入閨為儀禍災不起

賁 春多膏澤夏潤優渥稼穡熟成數獲百斛師行以律霸功不遠

剝 二女同室心不聊食首髮如蓬妻常在中

復 築闕石顛立本泉源病疾不安老孤為隣

无妄 欲避凶門反與禍隣顛覆不制痛薰我心

大畜 蹶行竊視有所畏避狸首伏歲以夜為利

頤 人面九口長舌為斧斲破瑚璉殷商絕後

大過 和氣相薄膏澤津液生我嘉穀

坎 消金鑄兵雷車不行民安其鄉

離 秦儀機言解其國患一說燕下齊相以權

咸 且爽輔王周德孔明越裳獻雉萬國咸寧周公旦召公奭

恒 弱足則跟不利出門賈市无過折亡為患

遯 堅水黃鳥常哀悲愁不見甘粒但覩藜蒿數驚鷓鴣為我心憂

大壯 魂微倏七屬續聽絕豁然大通復更生活

晉 陰生麋鹿鼠舞鬼谷靈龜陸處一云靈鼠陸處鬼哭鼠舞奎旣草土人

知敗國桀亂无緒



明夷 歛諸攻玉无不穿鑿龍體吾舉魯班為輔舞鳳成形德象君子  
家人 山作天時陸為海口民不安處

朕 東風啓戶隱伏權喜萌庶蒙恩復得我子

蹇 華燈百杖植暗衰微精光欲盡命如灰麋

解 三十无室寄伯桑中上宮長女不得樂同

損 卯與石闔糜碎无處動而有悔出不得時

益 尋兵爭強失其貞良敗我殺鄉

夬 虐除善疑難為攻醫驥窮鹽車困於銜御

姤 操筍搏狸荷射上魚非其器用自令心勞

萃 葵丘之盟獻晉會庭見太宰辭後秦還興

升 牘詐龐子夷竈書木伏兵率發矢至如雨魏師驚亂將獲為虜

困 南行出城世得大福王姬歸齊賴其所欲以安邦國

升 冬采薇蘭地凍堅難雖利奔走暮无所得堅難又作水堅

革 王喬无病狗頭不痛亡破失履之我欲送

鼎 宛馬疾步盲師坐御自不見路中止弗到

震 求我難國亡去我北憂歸其城反為我賊

漸 比目四翼安我邦國上下无思為我嘉福

歸妹 八材既登以成嘉功龍降庭堅國无災凶

豐 稍弊穿空家莫為宗奴婢逃走子西父東為身作凶

旅 鳥舞國城邑懼卒驚仁德不脩為下所傾

巽 五穀不熟民苦困急駕之南國嘉樂有得

允 黃裳建元病得在身福祐洋溢封為齊君賈市无門富貴多殮



漢 齊東郭廬嬪於洛都駿良美好利得萬倍  
節 安床厚褥不得失宿弃我嘉宴困於南國接杼之憂不成禍災  
中孚 內崩身傷中亂无恒雖有美粟不我得食  
小過 出門逢患與禍為怨更有挈刺傷我指端  
既濟 出入節持南北无憂行者即至在外歸來  
未濟 公孫駕成遊東齊迤陵說產違季紵衣

○ 漸之第五十三

漸 別離分散長子從軍稚叔就賊塞老獨安莫為種瓜  
乾 旦種穀豆暮成藿異心之所頭志快意愜  
坤 豹飛門啓憂患大解不為身禪  
屯 東山西山各自止安雖栢登望竟未同堂  
蒙 衆鳥所翔中有大恠九身无頭魂驚魄去不可以居  
需 交侵如亂民无聊賴追我濟西狄人硬殫  
訟 麟鳳所翔國无咎殃賈市十倍復歸惠鄉  
師 鑿井求玉非卞氏宅身困名辱勞无所得  
比 文山鴻豹肥脂多脂王孫獲願載福魏上  
小畜 周成之隆刑措除凶太宰費祐君子作仁  
履 珪璧琮璋執贄見王百里寔威應聘齊秦  
泰 穿空漏弊破桴殘缺陶弗能治无甓不鑿  
否 鴻飛循陸公出不復伯氏客宿  
同人 蝦蟇群聚從天請雨雲雷連集應時輒下得其所坎  
大有 先弱无子不能自理為民雖憂終不離咎管子治國



侯伯賓服乘輿八百尊我桓德

謙 搖梅折枝與母別離絕不相知

豫 盛中不絕衰老復拙盈滿減虧疾癘脂肥鄭昭失國

重耳興起一云盛去必衰羸去却肥鄭昭失國重耳得時

隨 聞虎入邑心欲逃匿走據陽德不見霍叔絕无憂隱

蠱 隨時逐便不失利門多獲得福富於封君

臨 禹作神鼎伯益銜指斧斤既折懂立獨倚賣市不售枯槁為禍

觀 春鴻飛東以馬質金利得十倍重載歸鄉

噬嗑 金齒鍊牙壽考宜家年歲有餘貪利者得雖憂无咎

賁 膏澤沐浴洗去污辱振除災咎更與壽福浴又作德

剝 履階登墀高升峻巍福祿洋溢依天之威

復 坤厚地德庶物蕃息平康正直以綵大福

无妄 絕域異路多所畏惡使我驚惶思吾故處

太畜 襁褓孩幼冠帶成家出門如賓父母何憂

頤 一尋百節網繆相結其指詰屈不能解脫

大過 鷹鷂獵食雉兔困極逃走見尾為害所賊

坎 危坐至暮請求不得膏澤不降政戾民忒

離 剛柔相呼二姓為家霜降既同惠我以仁

咸 慈母念子饗賜德士蠻夷來服國人權喜

恒 良夫孔姬負悝登臺樂季不扶衛輒走逃

遯 子長忠直季氏為賊禍及无嗣司馬失福

大壯 節慶之德不涉亂國雖昧无光民受大福



晉 驅羊南行與福相逢狼驚我馬虎盜我子悲恨自咎  
明夷 尼父孔丘善釣鯉魚羅網一舉獲利萬頭富我家居  
家人 本根不去華葉落去更為孤嫗

睽 設罟捕魚反得居諸負困竭忠伍氏夷誅  
蹇 敏捷亟疾如猿集木形弓雖調終不能獲  
解 冠帶南行與福相期邀於嘉國拜為逢時  
損 年豐歲熟政仁民樂祿入獲福

益 築闕石巔立基水源疾病不安老孤无隣  
夬 逐狐東山水過我前深不可涉失利後還  
姤 麟子鳳雛生長嘉國和氣所居康樂温仁邦多聖人  
萃 西行求玉莫得卞璞反得凶惡使我驚惑

升 心狂志悖聽視聾盲正命无常下民多孽  
困 南国少子才畧美好求我長女賤薄不與反得醜惡後乃大悔  
井 逶迤高原家伯妄施亂其在官

革 謝恩拜德東歸吾國歡樂有福  
鼎 鷄鳴同舉思配无家執佩持息莫使致之  
震 凶重憂慮身受誅罪神不能解

艮 虎豹熊羆遊戲山谷仁賢君子得其所欲  
歸妹 海隅遠右福祿所至柔嘉蒙祉无夷何咎  
豐 華首之山仙道所遊利以居止長无咎憂

旅 甲乙戊庚隨時移行不失常節萌芽律屈咸達生出各順其類  
巽 跋躓未起失利後市不得鹿子



兌 惟恃自負不志於下血從地出誅罰失理  
渙 江河淮海天之都市商人受福國家饒有  
節 節情省慾賦歛有度家給人足且貴且富  
中孚 牝馬鳴响求呼其潦雲雨大會流成河海  
小過 日月之塗所行必到无有患故  
既濟 乘風而舉與飛鳥俱一舉千里見吾愛母  
未濟 陰配陽事卧木反立君子攸行喪其官職



歸妹之第五十四

歸妹 堅冰黃鳥常悲哀鳴不見甘粒但歡藜藿數驚鷲鳥為我心憂  
乾 荆木冬生司寇緩刑威權在下國亂且傾  
坤 喘牛傷暑弗能耕畝草萊不闢年歲无有 丙吉問牛喘

屯 魚欲負流衆不同心至德潜伏

蒙 春耕有息秋入利福獻豨大豕以樂成功

需 生有聖德上配太極皇靈建中授我以福

訟 右撫琴頭左手援帶凶訟不已相與相戾失利而歸

師 炙魚拈斗陰伺碩鼠舌不思味譏發為崇策不得去

比 申酉說服牛馬休息君子以安勞者得權

小畜 堯門尹爵聖德增益使民不疲安无休揚

履 孤公寡婦獨宿悲若目張耳鳴莫與笑語 訟之歸妹

泰 外得好畜相與嫁娶仁賢集聚諮詢厥事傾奪我城使家不寧

否 煎砂盛暑鮮有不朽去河三里敗我利市老手育馬去之何悔

同人 甲乙戊庚隨時轉行不失常節萌芽律屈感達出生各樂其類



大有 依宵夜遊與君相遭除解煩惑使心不憂

謙 无有絕明巧言為說覆白汚王顏叔哀音

豫 逐利三年利走如神展轉東西如鳥避丸

隨 隄防壞決河水泛溢傷害稼穡民流去室君孤獨宿沒溺我邑

蠱 陰陽隔塞許嫁不荅旄丘新臺悔往嘆息

臨 伯夷叔齊貞廉之師以德防患憂禍不存

觀 陽為狂悖拔劍自傷為身生殃

噬嗑 進士為官不苦服田獲壽保年

賁 耕石不生弃禮无名縫衣失針襦袴弗成

剝 靈龜陸處一旦失所伊子復耕桀亂无輔

復 室當原口漂溺為海財產單盡衣食无有

无妄 鷄方啄粟為狐所逐走不得食惶懼喘息

大畜 家在海隅繞旋深流豈敢憚行无木以趨

頤 他山之錯與謬為仇來攻吾城傷我肌膚國家騷憂

大過 弊鏡无光不見文章少女不嫁弃於其公

坎 大蛇巨魚相輔殺之君臣隔塞郭公失廬

離 絕世无嗣福祿不存精神渙散離其躬身

咸 文君之德養人致福年无胎夭國富民寶憂者之望憎參盜意

恒 合歡之國喜為我福東岳南山朝濟成恩

遯 憂人之患履博易顏為身禍殘率身自守與喜相抱  
長子成考封受福祐

大壯 太公避紂七十隱處卒受聖文為王室輔



晉 江漢上流政逆民憂陰代其陽雌為雄公

明夷 縮匕亂絲舉手為災越畝逐兔濡其衣袴

家人 臭羸腐木與狼相輔亡夫失子憂及父母

睽 剗羊不當女執空筐兔跛鹿蹄緣山墜墮詭佞亂作

蹇 拔劍傷手見敵不喜良臣无佐困憂為咎

解 三殺五祥相隨俱行迷入空澤循入直北經涉六駭為聽傷敗

損 爭鷄失羊亡其金囊利得不長陳蔡之患賴楚以安

益 三灑負衡南取芷香秋蘭芬馥盈滿神履利我仲季

夬 孟春己丑哀呼仲父明德訖終亂虐滋起

姤 履不容足南山多葉家有芝蘭乃无病疾葉又作草

萃 三足无頭弗知所之心在精傷莫使為明不見日光

升 戴堯扶禹喬松彭祖西過王母道路夷易无敬難者

困 式微匕憂禍相半隔以巖山空家分散

井 靈龜陸處一旦失所伊子復耕桀亂无輔

革 仁德覆洽恩及異域澤反殊方禍災隱伏蚕不作室寒无所得

鼎 夏麥麴匕霜擊其芒疾君敗國使年夭傷

震 火錐熾在吾後寇雖多在吾右身安吉不危殆

艮 遼遠絕路客宿多悔頑嚚相聚生我畏惡

漸 懸匕南海去家萬里飛兔裏駁一日見母除我憂悔

豐 困而後通難厄不窮終得其願姬姜相從

旅 西賈巴蜀寒雪已沒欲前不得還反空室

巽 作新初陵爛熳難登三駒推車躓頓傷頤



兌 延頸望酒不入我口深目自苦利得无有幽人悅喜  
渙 仲春孟夏和氣所舍生我喜福國无殘賊

節 張網捕鳩兔離其災雌雄俱得為罝所賊

中孚 三人俱行一人言北伯仲欲南少叔不得中欲分道爭鬪相賊

小過 然諾不行欺給誤人使我露宿夜歸温室祀怒不直

鬼擊其目欲來獨利反言自賊

既濟 陳辭達誠使安不傾增祿益壽以成功名

未濟 火燒公床家破滅亡然得安昌先憂重喪

○ 豐之第五十五

豐 清糲行賈徑涉山阻與狄為市不憂危殆利得十倍

乾 鼎足承德嘉謀生福為王開庭得心所欲

坤 曳綸江海釣魴與鯉王孫列俎以饗仲友

屯 東山臯落叛逆不服興師征討恭子敗覆

蒙 千里駢駒為王服車嘉其驪榮君子有成

需 二龍北行道逢六狼莫宿中澤為禍所傷

訟 天災所遊凶不可居轉徙獲福留止危憂

師 狐狸雉兔畏人逃去分走竄匿不知所處

比 雨師娶婦黃巖季子成禮既婚相呼南山膏潤下土年歲大有

小畜 外棲野鼠與雉為伍瘡痍不息即去其室

履 天命絕後孤傷无主彷徨兩社獨不得酒

泰 鷓思其雄欲隨鳳東順理羽翼出次傾日中流北邑及復其室

否 蜚蛇九子長尾不殆均明光澤燕自受福



同人 日走月步趨不同舍夫妻反目君立失國

大有 定房戶室括薪除毒文德淵府害不能賊一作宣房戶室括卿深毒不知

孰是

謙 東齊郭廬嫁于洛都駿良美好多好讓主利得過倍

豫 病篤難醫和不能治命期終訖下即蒿里

隨 開郭聚業王迹所起姬德七百振以八子

蠱 豐年多儲河海饒魚商客善賈大國富有

臨 鵠求魚食過彼食邑繒加我頸繳桂羽翼欲飛不能為羿所得

觀 望城抱子見邑不殆公孫上堂文君悅喜

噬嗑 左指右麾邪侈靡七執節无良靈君以亡

賁 日中為市各持所有交易資賄函珠懷宝心悅歡喜

剝 山没丘浮陸為水魚燕雀无廬

復 馬服長股宜行姜市蒙祐諧偈獲利五倍

无妄 三狸捕鼠遮過前後死於國城不得脫走

大畜 鬼舞國社歲樂民喜臣礼於君子孝於父

頤 慈母望子遙思不已久客外野我心悲古

大過 雨師娶婦黃巖季子成礼既婚相呼南上膏潤下土年歲大有

坎 兩狗圍室相咬爭食枉矢西流射我暴國高宗伐鬼三年乃服

離 早霜晚雪傷禾害麥損功弃力飢无可食

咸 腐臭何在青蠅集聚變白為黑敗乱邦國君為臣逐失其寵光

一云言語不當誤紹夫人

遁 牽羊不前與心戾旋聞言不信誤給夫人紹夫人甘忍利害還相克敵商子酷刑鞅喪厥身



大壯 剗羊不當血少无美女執空筐不得 根

晉 鬪七譴七貧鬼相責无有歡怡一日九結

明夷 兩足四翼飛入嘉國寧我伯姊子母相得

家人 文山紫芝雍梁朱草生長和氣王以為室公尸侑食福祿來處

睽 絕世遊魂福祿不存精神渙散離其躬身

蹇 北辰紫宮衣冠立中含弘建德常受大福

解 伯蹇叔盲莫為守株失我衣裘代爾陰鄉

損 兩女共室心不聊食乱髮如蓬憂常在中

益 去辛就蓼毒愈酷甚避穽遇坑憂患日生

夬 初病終凶季為死喪不見光明

姤 三鳥飛來自到逢時俱行先至多得大利

萃 鹿食山草不思邑里雖久无咎

升 羊腸九縈相摧併前止湏王孫乃能上天

困 管仲過恒得其願歡膠日率振冠带无憂咲戲不莊空言妄行

井 桀跖並處民困愁若旅行遲七晉連齊魯

革 鬼狐无室銜損不食盜張氏饋見敵失肉

鼎 讒言亂國覆是為非伯奇乖離恭子憂哀

震 衛侯東遊惑於少姬亡我考妣久迷不來

艮 鷄鳴同興思配无家執佩持鳧莫使致之

漸 義不勝情以欲自榮覬利危躬摧角折頸

歸妹 臣尊主卑權力日衰侵奪无先三家逐公

旅 叔仲善賈與喜為市不憂危殆利得十倍



巽 六蛇奔走俱入茂草驚於長路畏懼啄口

兌 水壞我里東流為海鳧驚謹囂不可安居

渙 飛不遠去卑斷內侍祿食未富

節 陰變為陽女化為男治道大通君臣相承

中孚 踐履為難脫厄去患入福喜門見悔大君

小過 網密網縮動益感急困不得息

既濟 負牛上山力劣行難烈風雨雪遮過我前中道復還憂者得歡

未濟 喁上嘉草思降甘雨景風升上沾洽時澍生我禾稼

○ 旅之第五十六

旅 羅網四張鳥无所翔征伐困極飢渴不食

乾 寄生无根如過浮雲立本不固斯湏落去更為枯樹

坤 人无定法綬降牛出蛇雄走趨陽不制陰宜其家困

屯 衆鳥所翔中有大怪九身无頭魂驚魄去不可以居

蒙 封豕溝瀆灌瀆國邑火宿口中民多病疾

需 奮翅鼓翼翱翔外國道遙徒倚來歸温室

訟 秋蚕不成冬種不生設王逆理弃其寵名

師 衛侯東遊惑於少姬亡我考妣久迷不來

比 鳥會雀合與惡相得鴟鴞相酬為心所賊

小畜 鳴鷄无距與雀格鬪翅折目盲為仇所傷

履 木生內蠹上下相賊禍亂我國

泰 延陵適魯觀樂太史東隣白顛知秦興起率兼其國一統為主

否 輔相之好无有休息時行雲集所在遇福



同人 牀傾竇折屋漏垣缺季姬不懼

大有 東入海口循流北走一高一下五邑失主七後六日死於水浦

謙 群虎入邑求索肉食大人守禦君失其國

豫 四亂不安東西為患退身山足无出邦域乃得完全賴其生福

隨 叔躬抱寃祈子目邑乘遽解患羊舌以先賴其生全

蠱 延頸望酒不入我口深目自苦利得无有

臨 仁政之德恭一日息成形就邑日受厥福

觀 牽頭繫尾屈折幾死彫世无行不知所歸

噬嗑 教羊逐兔使魚捕鼠任非其人費日无功

賁 生角有尾張孽制家排揚逐狐張氏易公憂禍重凶

剝 去安就危墜陷井池破我玉螭

復 茹芝餌黃塗飲玉英與神通流長无憂凶

无妄 體重飛難未能越闕不離空壇

大畜 巢成樹折傷我彘器伯踐叔跌亡羊乃追

頤 六人俱行各遺其囊黃鵠失曉无以為明曉又作誅

大過 播枝遷岐與母分離絕不相知

坎 迎福開戶喜隨我後曹伯愷悌為宋國主

離 既痴且狂兩目又百箕踞坐暗名為无中

咸 金梁鍊柱十年牢固完全不腐聖人安處

恒 累糗荷糧與跖相逢欲飛不得為罔所獲

遯 彭生為妖暴龍作災盜堯衣裳聚妬荷兵青禽照夜三旦夷亡

大壯 褐夫老婦不能生子鰥寡俱處



晉 鷦鷯竊脂巢於小枝搖動不安為風所吹內寒飄搖常憂殆危  
明夷 素車木輿不任負重王子出征憂疑為咎

家人 上陷四維安平不危利以居止保其玉女

睽 負牛上山力劣行難烈風雨雪遮過我前中道復還

蹇 金城鍊郭上下同力政平民親寇不敢賊

解 清潔滄塞為人所言證詆詰問擊於知溫甘棠聽斷昭然蒙恩

損 臯陶聽理岐伯悅喜西登華道東歸无咎

益 低頭竊視有所畏避行作不利酒酸魚敗重莫貪吝

夬 十雉百離常與母俱抱鷄搏虎誰肯為娛

姤 高阜山陵峻阨顛崩為國妖祥元后以薨

萃 六鷁退飛為襄敗祥陳師合戰在股疾傷遂以崩薨霸功不成

升 異國殊俗情不相得金木為仇酋賊擅投

困 鴉噪庭中以戒災凶重引擊折脣憂暴客

井 慈母赤子厚賜得士獲夷服除以安王家側陋逢時

革 迹造惡人使德不通炎旱為殃年穀大傷

鼎 躬履孔德以帶來帶文君燎獵呂尚獲福號稱太師封建齊國

震 征將止惡鼓鞞除賊虜仲奔莒子般獲福

艮 良夫淑女配合相保多孫壽子惟樂長久

漸 委蛇回壯思念父母王事靡盬不得安處

歸妹 水壞我里東流為海龜鼃謹囂不得安居

豐 束帛戕匕賻我孟空徵召送君處號易子

巽 乾行大德覆贍六合嘔煦成熟使我福德



允 秦併六國更相克賊獲惠質圍鄭被其咎  
渙 晦昧昏冥君元紀綱甲子成亂簡公喪亡  
節 三足无頭弗知所之心狂精傷莫使為明不見日光  
中孚 長夜短日陰為陽賊萬物空枯藏於北陸  
小過 依宵夜遊與君相遭除煩解惑使我先憂  
既濟 逐鹿南山知我入門陰陽和調國无災殘長子出逃須其仁君  
未濟 請聘作耳雷不我與驅我父母



巽之第五十七

巽 溫山松柏常茂不落鸞鳳以茲得其歡樂  
乾 采唐沐卿要我桑中失信不會憂在釣帶  
坤 有鳥飛來集于宮樹鳴聲畏惡主將出去  
屯 仁政之德參上日息成都就邑日受厥福  
蒙 他山之錯與嗚為仇夾攻吾城傷我肌膚邦家搔擾  
需 賁貝贖狸不聽我辭繫於虎鬚牽不得來  
訟 一簧兩舌佞言陷語三奸成帛曾母投杼  
師 薄行搔尾逐雲涂水汚泥為陸不田宜稷  
比 天門九重澤內難通明登到莫不見神公  
小畜 昧上不明耳聾不聽陷入澤淵滅頂成凶  
履 霧露早霜日暗不明陰陽孽疾年穀大傷  
泰 三階土廓德義明堂交讓往來享燕相承箕伯朝王錫我玄黃  
否 爭鷄失羊利得不長陳蔡之患賴楚以安  
同人 天旱水涸枯槁无澤未有所獲



大有 陶朱白圭善賈息貲公子王孫富利不貧  
謙 龜厭江海陸行不止自令枯槁失其都市憂悔无咎  
豫 黃鳥採蓄既稼不答念吾父兄思復邦國  
隨 田鼠野雛意常欲逃拘制籠檻不得動搖  
蠱 平國不君夏氏作亂烏號竊發靈公殞命  
臨 巨蛇大鱗戰於國郊上下閉塞君遁走避  
觀 詭言亂國覆是為非伯奇留難恭子憂哀  
噬嗑 鬱快不明為陰所傷衆霧集聚共奪日光  
賁 望城抱子見邑殆不公孫上堂大君歡喜  
剝 三虫為蠱刻迹无與勝毋盜泉君子弗處  
復 車馳人趨卷甲相求齊魯冠戰敗於大丘  
无妄 欲訪子車善相欺給桓叔相迎不見所斯  
大畜 爭雉失羊亡其金囊利得不長陳蔡之患賴楚以安  
頤 歲莫花落陽入陰室萬物伏匿利不可得  
大過 晨風文翰大舉就温過我成邑羿无所得  
坎 持鵠抱子見蛇何咎室家俱在不失其所  
離 隱上大雷霹靂為雨有女癡狂驚駭隣里  
咸 无足断跟居處不安凶惡為患  
恒 破筐敝筥弃捐於道不復為寶  
遯 三鷄啄粟十雛從食飢鳶卒繫亡其兩叔  
大壯 乘車七百以明文德踐土葵丘齊晉受福  
晉 百足俱行相輔為強三聖翼事王室寵光



明夷 典策法書藏在蘭臺雖遭潰亂獨不遇災  
家人 西誅不服恃強負力倍道蕃敵師徒敗覆  
睽 春陽生草夏長條肆萬物蕃滋充實益有  
蹇 礪磽秃白不生黍稷死以供祭祗靈代祀  
解 褰衣涉河澗流浚多幸賴舟子濟脫死他  
損 宜行賈市所求必倍載喜抱子與利為友  
益 兄征東燕弟伐遼西大克勝還封君河間  
夬 初雖驚惶後乃无傷受其福慶相孝為王  
姤 隨風乘龍與利相逢田獲三倍商旅有功憧亡之邑長安无他  
萃 魚擾水濁寇圍吾邑城危不安驚恐狂惑  
升 雖塞復通履危不凶保其明功以道立宗  
困 坤厚地德庶物蕃植平康正直以綏大福  
井 山水暴怒壞梁折柱稽難行旅留連愁苦  
革 使燕築室身不庇宿家无聊賴織我衣服  
鼎 矢石所射襄公病據吳子巢門傷病不治  
震 日月運行一寒一暑榮寵赫亡不可得保顛隕墜墮更為士伍  
艮 宮門悲鳴臣圍其君不得東西  
漸 戴盆望天不見星辰顧小失大福逃墻外  
歸妹 天之所明禍不遇家反目相逐終得和美  
豐 天陰霖雨塗行泥潦商人休止市无所有  
旅 善門福喜增累盛熾日就有得宜其家國  
兌 南山之陽華葉銜亡嘉樂君子為國寵光



渙 畫龍頭頸文章未成甘言美語詭辭元名  
節 嬰兒孩子未有知識彼童而角亂我政事

中孚 陰作大奸欲君勿言鴻鵠利口發其禍亂荆李懷憂張伯被患  
小過 德之流行利之四鄉雨師洒道風伯逐殃巡狩封禪以告成功  
既濟 禹將為君裝入崑崙稍進陽光登見温湯功德昭明  
未濟 五岳四瀆含潤為德行不失理民賴恩福

○ 兌之第五十八

兌 班馬還師以息勞疲役夫嘉言入戶見妻  
乾 踐履危難脫去危患入福嘉門見誨大君  
坤 子鉏執麟春秋作元陰聖將終尼父悲心  
屯 夾河為婚期至无船搖心失望不見所歡

蒙 天孫帝子與日月處光榮於世福祿祉

需 三羊爭妻相隨奔馳終日不食精氣勞疲

訟 禹召諸神會稽南山執玉萬國天下安寧

師 早霜晚雪傷害禾麥損功棄力飢无所食

比 嵩融持戟杜伯荷弩降觀下國誅逐无道夏商之季失福迤走

小畜 生有聖德上配太極皇靈建中受我以福

履 下田陸黍萬華生蔭大雨霖集波病漬腐

泰 子畏於匡困厄陳蔡明德不危意克免害

否 有两赤頭從五岳遊滄言无祐趨爾之杯俯伏聽命不敢動搖

同人 當得自知不逢凶災衰來復興終得福來

大有 朽根別樹華葉落去卒逢火焮隨風僵仆



謙 葛生衍蔓締絡為願家道篤厚父兄悅喜

豫 東行求玉反得弊石名曰无直字曰醜惡衆所賤薄

隨 瞻白用弦驚孱恐怯任力隨身如蝟見鵲偃視怒腸不敢拒格

蠱 瘡痍多病宋公危殆吳子巢門无命失所

臨 東山西岳會合俱食為吳從送以成恩福

觀 舞非其處失節多悔不合我意

噬嗑 南循汝水伐樹斬枝過時不遇怒如周飢

賁 公孫駕驪載遊東齊延陵說產遺季紵衣

剝 乘輿八百以明文德踐土葵丘齊魯受福

復 雄處弱水雌在海邊別離將食哀悲於心

无妄 結網得鮮受福安坐終无患禍

大畜 秋南春北隨時休息處和履中无有憂凶

頤 啓戶閉門巡狩釋寃夏臺美里湯文悅喜

大過 符左契右相與合屬乾坤利貞乳生六子長大成就夙言如母

坎 飢蚕作室絲多亂緒端不可得

離 東壁餘光數暗不明主母嫉妬亂我事業

咸 白茅醢酒灵巫拜禱神嗜飲食使君壽考

恒 范公陶夷巧賈貨資東之營丘易字子皮抱珠載金多得利歸

遯 三殺五祥相隨俱行迷入空澤經涉虎廬循谷直北經涉

六駭為所傷賊死於牙腹

大壯 雄鷓延頸欲飛入閔雨師洒道織我袍裘車重難前侍者稽首

晉 中年蒙慶今歲受福必有所得



明夷 祿如周公建國洛東父子俱封

家人 安床厚蓐不得久宿弃我嘉讌困於東國投杼之憂不成禍災

睽 蓄積有餘糞土不居利有所得

蹇 心願所喜乃今逢時我得利福不離兵革

解 目不可合憂來搔足怵惕危惧去其邦族

損 福德之士權悅日喜夷吾相桓三歸為臣賞流子孫

益 夏姬附耳心聽悅喜利後傳耻

夬 叔迎兄弟遇宮在陽召子季姬並坐鼓簧

姤 徙巢去家南遇白鳥東西受福與喜相得

萃 舜登大禹石夷之野徵誚王庭解治水

升 江河淮海天之都市商人受福國家富有

困 隱上頰上火燒山根下潤我隣獨不蒙恩

井 閻妹不明耳聾不聰陷入深淵滅頂憂凶

革 鳥鳴喈上天火將下播我館舍災及妃后

鼎 十雉百雛常與母俱抱虎搏雞誰敢難者

震 營城洛邑周公所作世建三千年歷八百福祐盤執堅固不落

艮 三人俱行別離將食一身五心反復迷惑

漸 三虎搏狼力不相當如鷹格雉一擊破亡

歸妹 養虎畜狼還自賊傷年歲息長疾君拜禱雖危不凶

豐 後時失利不得所欲

旅 雉兔之東以野為場見鷹奔走死於谷口

巽 秋蛇見穴不失其節夫人姜氏自齊復入



渙 鳥鳴巢端一呼三顛搖動東西危寃不安  
節 命夫不遂死多為崇妻子啼暗早失其雄  
中孚 茹屋結席崇我文德三辰旆旗家受行福  
小過 羅網一張鳥无一翔征伐困枉飢窮不食  
既濟 天成地安積石為山潤給萬里人賴其歡  
未濟 銅人鍊柱暴露勞苦終月卒歲无有休止

○ 渙之第五十九

渙 望幸不到文章未就三子逐兔犬騎不得  
乾 焱風阻越車馳竭石棄古追思失其和節憂心愒  
坤 蛇得澤草不憂危殆  
屯 兩犬爭鬪股瘡无處不成仇讐行解却去

蒙 因禍受福喜盈其室求事皆得  
需 江有寶珠海多大魚亟行疾去可以得財  
訟 三牛生狗以戌為母荆夷上侵伯姬出走  
師 安息康居異國窮廬非吾羽俗使伯憂惑  
比 行觸天網馬死車傷身无聊賴困窮乏糧  
小畜 裸裎逐狐為人觀咲牝鷄司晨主作亂門  
履 為季求婦家在東海水長无舡不見所歡  
泰 男女合室二姓同食婚姻孔云宜我多孫  
否 天行帝室黃帝所直藩屏周衛不可得入帝安長在終无禍患  
同人 賚金觀市款置騶子猾偷竊發盜我黃室  
大有 三思俱行款歸故鄉望邑入門拜見家觀



謙 娶於姜女駕迎新婦少齊在門夫子悅喜

豫 伯仲旅行南求大祥孟長痛足倩季負囊柳下之貞不失我邦

隨 潔身白蔭衰老復起多孫衆子宜利姑舅

蠱 獨宿僧夜嫖母畏晝平玉逐建荆子憂懼

臨 追亡逐北呼還幼叔至止而得復歸其室

觀 鳥飛无翼兔走折足雖欲會同未得其功

噬嗑 抱空握虛嗚叫我噴利出不成救

賁 山作大池陸地為海各得其所

剝 為虎所嚙太山之陽衆多從者莫敢救藏

復 逶迤四牡思歸念母王事靡盬不得安處

无妄 獼猴所言語无成全誤我白馬使口不至一作使乾

大畜 飛不遠去卑廝內侍祿養未富

頤 大尾細腰重不可搖陰權制國平子逐昭

大過 旦生夕死名曰嬰鬼不可得視視作祀

坎 子畏於匡因於陳蔡明德不危竟免厄害

離 畏昏潛處候時朗昭卒逢白日為世榮主

咸 白鳥啣餌嗚呼其子旋枝張翅來從其母

恒 宮商角徵五音和起君臣父子弟順有序唐虞襲德國无災咎

遯 季姬踟躕望孟城隅終日至暮不見齊侯

大壯 鬼哭於社悲傷无後甲子昧爽殷人絕祀

晉 天之所予福祿常在不憂危殆

明夷 比日附翼相待為福姜氏季女與君介德



家人 翁上輪上稍崩墜顛滅其令名長後不全  
睽 折芒蔽目不見雉叔三足飛鳥遠去家室  
蹇 羊腸九縈相催稍前止湏正孫乃能上天  
解 坤厚地德庶物忝思子康正直以綏大福  
損 有莘外野不逢堯主復歸窮處心勞志苦  
益 聿長景行來觀柘桑止伯自喜都叔允臧  
夬 周師伐紂戰于牧野甲子平旦天下喜悅  
姤 踰江求橘并得大栗烹羊食豕飲食歌笑  
萃 敵筭在梁魴逸不禁漁父勞苦口焦喉乾虛空元有  
升 生有陰孽制家非陽遂受還作張氏易休憂禍重凶  
困 絕域異路多有恠惡使我驚惧思我故處  
井 迷行失道不得馬牛伯賈避亡市沒元有  
革 雌鸞生鵬神異興起乘雲龍騰民載為父  
鼎 壘上累上如岐之室畜一息十古公治邑  
震 瘡瘍疥癢孝婦不省君多疣贅四時作災  
艮 羊頭兔足羸瘦少肉漏囊敗粟利无所得  
漸 孽孽徒靡空无誰是言季不明樂減少解  
歸妹 妹貌親熟敗君正色作事不成自為心賊  
豐 四馬共轅東上太山駢驪同力无有重艱與君咲言  
旅 陰變為陽女化為男治道得通君臣相衛  
巽 南國才子畧美好求我長女賤薄不與反得醜惡後乃大悔  
兌 昭公失常季女悖狂避齊處野喪其寵光



節 文山紫芝雍梁朱草生長和氣王以為宝公孫宥食福祿來処

中孚 牽羊不前與心戾旋聞言不信誤給夫人

小過 東山西山各自止安心雖相望竟不同堂

既濟 鹿求其子虎廬之里唐伯季耳貧不我許

未濟 三虎上山更相距哮心志不親如仇與怨

○ 節之第六十

節 海為水王聰聖且明百流歸德元有叛逆常饒停足

不利攻王所求弗得

乾 虎豹怒咆慎戒外憂上下俱搔士民无聊

坤 探巢得雛仇鵲俱來使我心憂

屯 日望一食常恐不足祿命寡薄

蒙 良馬疾走千里一宿難逃它鄉誰能追復

需 鵲巢鳩城上下不親内外乖畔子走失願

訟 雲龍集會征討西戎招邊定衆誰敢當鋒

師 春多膏澤夏潤優渥稼穡成熟畝獲百斛

比 僮妾獨宿長女未室利无所

小畜 四野不安東西為患退身止足无出邦域乃得全完賴其生福

履 長寧理福安我百國嘉賓上堂與季同林

泰 騏驥綠耳章明造父伯夙奏獻衰續厥緒佐文成霸為晉元輔

否 張陳嘉謀贊成漢都主歡民喜其樂休也 張良陳平也

同人 大面長頭來解君憂遺吾福善與我嘉惠

大有 畏昏不行待且昭明燎獵受福老賴其慶



謙 伯去我東首髮如蓬長夜不寐輾轉空床內懷惆悵憂摧肝腸

豫 朽條腐索不堪施用安靜候時以待親知

隨 比目四翼相倚為福姜氏季女與君合德

蠱 履階升墀高登崔嵬福祿洋溢依天之威

臨 奢淫吝嗇神所不福靈祇憑怒鬼瞰其室

觀 大步上車南到喜家送我孤裘與福載來

噬嗑 東行西步失次後舍乾侯野井昭君失居與彼作期不覓至夜

賁 喜樂封躍來迎歡客鵲巢百兩以成喜福多獲利益

剝 非里所求誰肯相與往來不獲徒勞道路

復 北虜匈奴數侵邊境左衽為長國猶未慶

无妄 續事康域鉞折不成嬰兒短舌說辭允名一作征不以理辭乃无名 繼獲臣子伯功不成

大畜 景星明堂麟在鳳翔仁施大行頌聲作興

頤 文明之世銷鋒鑄鏑以道順昌百王不易一作条膏銷鋒鎮壓危 凶招来文德君安其國

大過 鳥飛无羽鷄闔折距徒自長嗟誰肯為侶一作不順其德 自為凶咎

坎 群隊虎狼蔭彼牛羊道路不通妨農害商

離 商伯沉醉庶兄奔遠遊女蕩夫仁德並孤

咸 三狸搏鼠路過前後富此之時不能脫走

恒 陶叔孔圉不處亂國初雖未前後受福慶

遯 奮翅鼓翼翱翔外國道遠北域不入温室

大壯 德音孔博升在王室八極蒙祐受其福祿

晉 當變立權擿解患難霍然冰釋大國以安

明夷 羽動角甘兩續草木茂年歲時熟



家人 天所佑助福來禍去君王何憂

睽 方嘖宣口聖智仁厚釋解倒懸唐國大安

蹇 葛萬彖棘上不得實諛扶亂政使恩壅塞

解 皇母多恩字養孝孫脫於襁褓成就為君

損 積水下濕比陸苦寒之宿多風君子傷心

益 伯夷叔齊貞廉之師以德防患憂禍不存

夬 一雌二雄子不得公亂我族類使吾心憤

姤 主安多福天祿所伏居之寵昌君子有光

萃 千歲槐根利多斧癩樹維枯屈枝葉不出

升 周師伐紂勝殷牧野甲子平旦天下大喜

困 日走月步趨不同舍夫妻反目主君失居

井 宣勞就力為王主國安土成稷天下蒙福

革 諷德誦功美周盛隆惠且輔成光濟冲人

鼎 三夜不寢憂來益甚戒以危懼弃其安居

震 恩願所之乃今逢時洗濯故憂拜其權來

艮 嘽上懾上夜行畫伏謀議我資來攻吾室空盡已財幾无所食

漸 駢牛亡子鳴於大野申後陰徵還婦其母說我除悔

歸妹 王良善御伯樂知馬周旋步驟行中規矩止息有節延命壽考

豐 釋然遠咎避患害早田獲三狐以具為寶

旅 仁獸所處國无凶咎市賈十倍復歸惠里

巽 六目俱視咎欲有志一言不同乖戾生訟

允 傳說休明驂御四龍周徑萬里无有危凶



渙 伯仲叔季日暮寢寐醉醒失明喪其具囊卧拜道旁

中孚 江有寶珠海多大魚亟行疾至所以得財

小過 遠視千里不見所視離婁之明无益於耳

既濟 弱足則跟不利出門市賈无羸折亡為患

未濟 利盡得媒時不我来鳴雌深涉寡宿獨居

○ 中孚之第六十一

中孚 鳥鳴喈喈天火將下燔我屋室災及妃后

乾 黃虹之野賢君所在管仲為相国无災咎

坤 叔梁有名相與合蔭乾坤利貞乳生六子長大成就風言如母

屯 蝗齧我稻驅不可去實穗无有但見空藁

蒙 嬰孩求乳母婦其子黃麕悅喜

需 折箸蔽目不見稚叔失旅亡民遠去家室

訟 牂羊墳首君子不飽年飢孔荒士民危殆

師 靈龜陸處盤桓失所伊子退耕桀亂无輔

比 威約拘囚為人所誣臯陶平理幾得脫免

小畜 鳥升鵲舉照臨東海龍降庭堅為陶叔後封於蓼丘福履綏厚

履 四目相視稍延同執日映之後見吾伯姊

泰 大步上車南至喜家送我狐裘與福載来

否 穿都相合未敢面見媒妁无良使我不鄉

同人 鴻飛遵陸公母不復伯氏寄宿

大有 代戍失期患至无聊懼以發難為我開基邦国憂愁

謙 伯氏爭言戰於龍門構怨結禍三世不安



豫 周政養賊背生人足陸行不安國危為患

隨 蝸蟾歛喜草木嘉茂百果蕃生日益富有

蠱 薄災暴虎風吹雲却欲上不得復歸其宅

臨 乘駟駕驪遊至東齊遭遇行旅送我以貨厚得利歸

觀 鳳生十子同巢共乳歡悅相保

噬嗑 桃雀竊脂巢於小枝動搖不安為風所吹心蹇慄搖常憂殆危

賁 東山西山各自止安雖相登望不得同堂

剝 匍匐出走驚懼皇恐白虎生孫蓐收在後

復 重戈射準不知所定質疑著龜明神答報告以肥壯宜利止居

无妄 開門內福喜至我側加以善祥為吾家宅宮城洛邑以招文德

大畜 烏飛狐鳴國亂不寧下強上弱為陰所刑

頤 三鷄啄粟八雛從食飢鷹卒擊失亡兩段

大過 歎息不悅憂逆中出喪我金罌无妄失位

坎 剛柔相呼二姓為家霜降既同惠我以亡

離 送我季女至於蕩道齊子旦夕留連久處

咸 低頭竊視有所畏避行作不利酒酸魚敗衆莫貪嗜

恒 典策法書藏在蘭臺雖遭亂潰獨不過災潰者散也

遯 且醉病酒暮疾瘳愈獨不及咎

大壯 畫龍頭頭文章不成甘言美語說辭不名

晉 日月運行一寒一暑榮光赫不可得保顛墮墜更為士伍

明夷 爭利王市朝多君子蘇氏六國獲其榮寵

家人 六蛇奔走俱入茂草驚於長塗畏懼啄口



睽 懸桓素餐食非其任失舉剝廬休坐徙居  
蹇 觀欣九子俱見大喜携提福至玉孫是富  
解 伯夷救齊貞廉之師以德防患憂禍不存  
損 雄聖伏名人匿麟驚走鳳飛北乱潰未息  
益 父鯨无偶思配織女求其非望自令寡處  
夬 破亡之國天所不福難以止息  
姤 老慵多欲弊政為賊阿房驪山子嬰失國  
萃 三殺六祥相隨俱行迷入空澤經涉虎廬為所傷賊死於牙腹  
升 噬嚙處懼昧冥相搏多言少實語无成事  
困 舞陽漸離擊坑善歌慕丹之義為燕助軻陰謀不遂霍  
日死亡功名何施

井 尹氏伯奇父子分離无罪被辜長舌為災

革 五精亂行政逆皇恩湯武赫怒天伐利域

鼎 西歷玉山東入玉門登上福堂飲萬歲漿

震 行觸忌諱與司命忤執囚束縛拘制於吏迷人有喜

艮 機父不賢朝多諛臣君失其政保我又貧

漸 三人俱行北求大祥孟長病足請季負囊柳下之貞不失我邦

歸妹 鵠思其雄欲隨鳳東順理羽翼出次日中雖留比邑復歸其室

豐 常德自如不逢禍災如一作加

旅 白鵠遊望君子以寧履德不愆福祿未成

巽 膚敏之德發憤忘食虜豹擒虎為王得福

兌 百足俱行相輔為強三聖翼事王室寵光國富民康



渙 生不逢時困且多憂年老衰極中心悲愁

節 出門蹉跌看道後旅買羊逸亡所謂逃走空手握拳坐狼為咎

小過 牧羊

既濟 龍潛鳳池箕子變服陰孽萌作

未濟 國无比隣相與爭強紛七凶七天下擾攘

○ 小過之第六十二

小過 初雖驚惶後反无傷受其福慶永七其祥

乾 積德累仁靈祐順信福祉日增

坤 謹慎重言不幸遭患周邵述職脫免牢門

屯 鳥飛鼓翼喜樂堯德虞夏著功要荒賓服

蒙 牙蘖生蔭室堂啓戶幽人利貞鼓翼起舞

需 使伯東求拒不肯行與叔爭訟更相毀傷

訟 手足易處頭尾顛倒公為雌姬亂其蚕織

師 匠鄉操斧豫章危殆袍衣既剝祿命訖已

比 天女踞床不成文章南箕无舌飯多砂糠虛象盜名雌雄折頸

小畜 大椎破轂長舌亂國墻茨之言三世不安

履 御命辱使不堪厥事中墜落去更為負載

泰 三蛇共室同類相得甘露時降生我百穀

否 衣繡夜遊與君相逢除患解惑使君不憂

同人 被髮獸心難與為隣来如風雨去如絕絃為狼所殘

大有 剛柔相呼二姓為家霜降既同惠我以仁

謙 牛耳聳贖不曉聲味委以鼻姐治亂潰七



豫 低頭竊視有所畏避行旅不利酒酸魚餒衆莫貪嗜

隨 雨師娶婦黃巖季子成禮既婚相呼南上膏我下土年歲大有

蠱 戴盆望天不見星辰顧小失大遁逃墻外

臨 二人輦車徙去其家井沸釜鳴不可以居

觀 攘臂反肘怒不可止狼戾腹心无與為市

噬嗑 湯火之憂轉解喜來

賁 忠信輔成王政不傾公劉肇基文武綏之

剝 登高折木頓躑躅險車傾馬疲叔伯嗟噫

復 桑方隕落黃葉敗散失勢傾側如无所立

无妄 鸞鳳翱翔集于家國念我伯姊與母相得

大畜 陰淫所居益溢過度傷害禾稼

頤 霄冥高山道險峻難王孫罷極困於阪間

大過 和璧隋珠為火所燒冥昧失明奪精无光棄於道傍

坎 虞君好田惠我老親恭承宗廟長慍不去復我內事

離 爪牙之士怨毒祈父轉憂與已傷不及母

咸 倉盈庾億宜稼黍稷年歲有息

恒 窓牖戶傍道利明光賢智輔聖仁德大行家給人足海內殷昌

遯 惕上之患凶重與存為虎所吞

大壯 水无魚滋陸為海涯君子失居小人相携

晉 九疑鬱林沮濕不中鸞鳳所惡君子攸去

明夷 六翮泛飛走歸不及脫歸王室上其駢特

家人 不直莊公與我爭訟媒伯无禮自令壅塞



睽 倉庚多億宋公危殆吳子棠門殞命失所廣

蹇 失羊捕牛无損无憂

解 夏麥麩麩霜擊其芒疾君敗國使我誅傷

損 昧亡暗亡不知白黑風雨亂擾光明伏匿幽王失國

益 執斧破薪使謀求婦和合二姓親御飲酒色比毛嫱姑公悅喜

夬 六疾生狂癡走妄行北入患門與禍為鄰

姤 驅羊就群狼不肯前慶季懷諫子之被患

萃 二人異路東趨西步十里之外不知相處

升 義不勝情以欲自營親利為躬折角摧頸

困 騷亡擾亡不安其類疾在頸項凶危為憂

井 三河俱合水怒湧躍壞我王室民困於食

革 陽曜旱疾傷病稼穡農人无食

鼎 流浮出食載秦入屋釋轡繫馬西南廡下

震 門戶之居可以止舍進士不殆安樂相解一作保

艮 過時不歸雌雄苦悲徘徊外國與母分離

漸 中田有廬疆場有瓜獻進皇祖曾孫壽考

歸妹 失時无友覆家出走何如喪狗

豐 反鼻岐頭三寡獨居

旅 衣裳顛倒為王來呼成就東周封受大福

巽 飛不遠去還歸故處興事多悔

兌 含血走禽不曉五音匏已鼓瑟不抗於心

渙 求玉獲石非心所欲祝願不得



節 山崩谷絕大福盡歌涇渭失紀玉石既已  
中孚 雜自懼怒不安其居散漫府藏无利得  
既濟 衆邪充側鳳凰折翼微子復比去其邦國  
未濟 六月采芑征伐无道張仲季叔孝友飲酒



既濟之第六十三

既濟 玄兔捐掌與足相視謹訊詰問註情自倡死誣難告口為身禍  
乾 游駒石門駮耳安全受福西隣歸隱玉泉  
坤 陽春草生萬物風興君子所居禍災不到  
屯 人无足法緩除才出雄走羊驚不失其家  
蒙 太山上奔變見太傲陳吾廢忽作為禍患  
需 乘龍光土使暗後明燎獵大得太師以昌

訟 羊頭兔足羸瘦少肉漏囊貯粟利无所得  
師 因禍受福喜盈其室螟虫不作君无苛惑  
比 舜升大禹石夷之野徵詣王門拜治水土  
小畜 烏子鵲雛常與母居顧類群旅不離其巢  
履 夷羿所射發輒有獲增加倉鷹雙鳥俱得  
泰 晨風文翰太舉就温昧過我邑羿无所得  
否 六喜三福南至歡國與喜同樂嘉我潔德  
同人 闕龍股折日就遂明自外為主弟伐其兄  
大有 蒙慶受福有所獲得不利出域  
謙 蛮夷戎狄太陰所積涸水汨寒君子不存  
豫 畏昏潛處候時昭明卒遭白日為榮祿主



隨 水流趨下欲至東海求我所有買鮪與鯉  
蠱 冠帶南遊與福喜期徼為嘉國釋為逢時  
臨 莎鷄振羽為季門戶新沐彈冠仲父悅喜  
觀 結衿流弼遭詭桎梏周召述職身受大福  
噬嗑 田鼠野鷄意常欲逃拘制籠檻不得連搖  
賁 居華山巔遊觀浮雲有雨不濡心樂无憂  
剝 傾倚將顛亂不能存英雄作業家困无年  
復 心願所喜乃今逢時保我利福不離兵革  
无妄 靈龜陸處盤桓失所阿衡退耕夏封於國  
大畜 弱水之右有西王母生不知老與天相保不利行旅  
頤 抱瑰求金日暮坐吟終身卒歲竟无成功

大過 言笑未畢憂來暴卒身加楹欖囚繫縛束  
坎 望幸不至文章未成王子逐兔犬蹄不得  
離 震悚恐懼多所畏忌行道留難不可以步  
咸 雄狐綏上登山崔嵬昭告顯功大福允興  
恒 火起吾後喜矣我廡倉龍含水深溪吾柱雖憂无咎  
遯 危坐至暮請求不得膏澤不降政戾民忒  
大壯 孟春和氣鷹隼搏鷙衆雀夏潰  
晉 緩法長奸不能理寃沉酒失節君受其患  
明夷 魚鱉貪餌死於網釣受危因寵為身殃咎  
家人 金精耀怒帶劍過午徘徊高原宿於山谷兩虎相距弓矢滿野  
睽 四目相迫精近同光並坐鼓簧



蹇 茹芝餌黃飲酒玉漿與神流通長无憂凶

解 求倚嘉鄉惡蛇不行幽岐口還復以其床

損 天門地戶幽冥不觀不知所在 觀又作覩

益 跛足息肩有所忌難金城鐵郭以銅為閤藩屏息衛安止无患

夬 三雁俱飛欲歸稻池經涉山澤為矢所射

姤 濟深難渡濡我不袴王子善濯決无他故

萃 飲酒醉飽跳趨爭鬪伯傷叔僵東家治喪

升 跛躓未起失利後市蒙被殃咎不得鹿子

困 辰次降婁建星中堅子无遠行外顛霄陷遂合訖終

井 高風召寇來呼外盜間謀內應與我爭鬪殫已宝藏主人不勝

革 甘露醴泉太平機閑仁德感應歲樂民安

鼎 蔡仲子突要門遂急禍起子傷弟代其兄鄭文不昌

震 反孽難步留不及舍露宿澤波亡其襦袴

艮 狼虎結謀相聚為保伺候牛羊病我商人

漸 明德克敏乘輿貢舉放勳御用人哲蒙佑

歸妹 貧鬼守門日破我盆毀壘破甕空虚无子

豐 天命赤烏與兵徼期征伐无道箕子遨遊

旅 威約拘囚為人所誣臯陶平理剖械出牢脫歸家閭

巽 羊驚虎狼聳耳群聚无益威僵為齒所傷

兌 初雖啼號後必慶咲光明照耀有嘉如意

渙 馬服長服宜行善市蒙祐諧耦獲公五倍

節 應門內崩訟賢殺暴上下咸懼景公失位歸无相望妻不來



中孚 執斧破薪使媒和婦好合三姓親御斯酒色比毛媯姑悅公喜

小過 兩輪日轉南上大阪四馬共轅无有險難與禹咲言

未濟 千柱百梁終不傾僵周家寧康

○未濟之第六十四

未濟 志慢未習單酒換脯數至神前欲求所願反得大患

乾 旦生夕死名曰嬰鬼不可得視

坤 大步上車南至喜家送我狐裘與福喜來

屯 西多小星三五在東早夜晨行勞苦无功

蒙 北陸藏冰君子心悲困於粒食鬼驚我門

需 山泉暴怒壞梁折柱稽難行旅留連愁苦

訟 比目四翼來安吾國福喜上堂與我同牀

師 狡兔趨上良犬逐咋雄雌爰上為鷹所獲

比 增祿益福喜來入室解除憂惑

小畜 騎龍乘鳳上見神公彭祖受刺王喬贊通巫咸就位拜福无窮

履 天火卒起燒我旁里延及吾家空盡已財

泰 金帛黃寶宜與我市嫁娶有息利得萬倍

否 鬼魅之居凶不可舍

同人 飛鳥逐兔各有畏惡鵬鷹為賊亂我室舍

大有 初雖驚惶後乃无傷受其福慶

謙 兩金相擊勇氣均敵日月鬪戰不破不缺

豫 曳綸河海掛釣魴鯉王孫利德以享仲發一作夾

隨 犬畏虎狼依人作輔三夫執戟伏不敢起身安无咎



蠱 蜘蛛作網以伺行旅青蠅吮聚觸我羅域為網所得死於網羅

臨 所望在外鼎金方來拭爵滌壘炊食待之不為季憂

觀 日月並居常暗匪明高山崩顛丘陵為溪

噬嗑 春服既成載華復生莖葉茂盛實穗泥

賁 華首山頭仙道所遊利以居止長无咎憂

剝 三狐嗥哭自悲孤獨野无所由死於丘室

復 火中暑退求藿其食商人不至市空无有

无妄 獨立山顛求糜耕田草木不闢秋飢无年

大畜 火雖熾在吾後寇雖近在吾右身安吉不危殆

頤 翻上譎上貧鬼相責无有權怡一日九結

大過 追亡逐北呼還幼叔至山而得反歸其室

坎 御命辱使不堪厥事遂墮落去更為欺更

離 被珠御玉沐浴仁德應聘唐國四門穆上蠹賊不作凶惡伏匿

咸 機閑不便不能出言精誠適通為人所寃

恒 甕破缶缺南行亡失

遯 唇亡齒寒積日凌根朽不可用為身災患

大壯 象惑憧上不知西東魁罡指南告我失中利以宜止去國憂患

晉 鳥鵠搏翼以避陰賊盜伺二女賴厥生福旱災為疾君无黍稷

明夷 名成德就項領不試景公老耄奎尼父避去

家人 言與心詭西行東望蘇湮洪水佞賊為禍

睽 獫狁非度石兵焦獲伐鎬及方與周爭疆无戎其駕衰及夷王

蹇 三大起明雨滅其光高位疾顛驕恣誅傷



解 陰承川穴水為吾崇使我潰心毋樹象麻居止凶殆

損 厭浥晨亦道多湛露沾我襦袴重難以步

益 宜行賈市所求必倍載喜抱子與利為友

夫 陰變為陽女化為男治道得通君臣相承

始 沛蔽壯荆生鬱山旁仇敵皆增孰肯相迎

萃 坐茵乘軒握德宰臣虞叔受命六合和親

升 雲興蔽日雨集草木年茂歲熟

困 播枝折岐與母別離絕不相知

井 天旱水涸枯槁无澤困於沙石未有所獲

革 圭璧琮璜執贄見王百里寤威應聘齊秦

鼎 龍渴求飲雲黑景從河伯捧醴跪進酒漿流潦滂

震 電梅零蒂心思積憤亂我雲氣

艮 鹿求其子虎廬之西唐伯季耳貪不我許

漸 穿匏挹水構鍊燃火勞瘦力竭飢渴為禍

歸妹 龍生馬泐壽考且神舍宿軒轅居樂常安

豐 崔嵬北岳天神貴客温仁正直主布恩德衣冠不已蒙受天福

旅 鬼夜哭泣齊失其國為下所賊

巽 二政多門君失其權三家專制禍起季孫

兌 望幸不到文章未就三子逐兔犬蹄不得

渙 伯虎仲熊德義沛弘使布五教陰陽順序

節 兩足四翼飛入家國寧我伯姊與母相得

中孚 春秋禱祀解禍除憂君无災咎



小過 牧羊稻山聞虎喧懼畏懼悚息終无禍患  
既濟 大蛇巨魚相搏於郊君臣隔塞郭公出廬

周易變卦筮占易林下經終

題識

舊見沙隨程氏所紀紹興初諸公以易林筮時事奇驗求之  
歷年寶慶丁亥始得其書於莆田錄而藏之皆韻語古雅頗  
類左氏所載繇辭間嘗筮之亦驗獨恨多脫誤無他本是正  
嘉熙庚子自吳門歸雲川偶為鄉守王寺丞侑道之因以家  
藏本見假雖復多脫誤而因兩本參互相校十頗得八九於  
是兩家所藏皆成全書其間亦多重復或數文共一繇莫可

稽究校畢歸其書王氏而志其校正本末於此明年淳祐辛  
丑五月上浣直齋書

題焦氏易林後

易之道無所不該學者各得其一偏耳然皆不可語非易也  
易自夏商周已有三易其後連山歸藏不傳唯周易獨傳周  
易至漢儒分而為三有田何易焦贛易費直易何之易傳自  
孔子分上下經以孔子所作為十傳而有章句贛之易專於  
占察易林之十六卷直之易長於卦筮無有章句徒以彖象  
文言等參入卦中以解經漢末田焦之學徵絕而費氏獨存  
蓋費之後有鄭康成王弼輩為之注故也宋程伊川據弼易  
為傳固出於費之氏晦庵據呂伯恭古易為本義則本之田



何於是田費之必皆盛行於世而顛獨不幸無傳者近於內  
閣閱書得易林觀其辭韻皆非後人所能到頗類左傳中所  
載繇辭因錄而藏之異日間有事以占亦未嘗不驗也然則  
顛之易豈無所本者耶惜乎末學淺識不能為之傳注使之  
盛行以為夫人之趨吉避凶一助也姑識之以俟能者

成化癸巳夏四月二十六日後學安城彭華識





